



Broj/Број: 01/2a-50-1-2-15/07
Sarajevo/Сарајево, 16.11.2007.

ZAPISNIK

15. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 14.11.2007. godine

15. sjednica Komisije za vanjske poslove Zastupničkog doma Parlamentarne skupštine BiH bila je zakazana za 13.11.2007, no zbog održavanja izvanredne zajedničke sjednice oba doma PSBiH njeno održavanje je pomaknuto za 14.11.2007. Sjednica je počela u 9 sati i vodio ju je predsjedatelj Komisije Slavko Matić.

Sjednici su prisustvovali sljedeći članovi Komisije: Slavko Matić, Milica Marković, Denis Bećirović, Husein Nanić, Sadik Ahmetović, Azra Alajbegović, te Merdžana Iglica – sekretar Komisije.

Odsutni su bili Milorad Živković, Azra Hadžiahmetović i Sefer Halilović.

Sjednici su prisustvovali i pozvani gosti i predstavnici predlagača: Sabrija Šerifović ispred Ministarstva vanjske trgovine i ekonomskih odnosa BiH, Miodrag Pandurević ispred Ministarstva civilnih poslova BiH, Lejla Somunović ispred Ministarstva sigurnosti BiH i Biljana Čamur ispred Ministarstva civilnih poslova BiH.

Zapisnik je vodila Merdžana Iglica, sekretar Komisije, te student stažista Nacionalnog demokratskog instituta Mirjana Brčkalo.

Nakon uvodnih objašnjenja zbog pomjeranja termina sjednice, predsjednik Komisije je predložio sljedeći

DNEVNI RED

- 1) Verificiranje Zapisnika 14. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 10.10. 2007. godine;
- 2) Davanje suglasnosti za ratificiranje Sporazuma o ekonomskoj, trgovinskoj i tehničkoj suradnji između BiH i Vlade države Katar ;
(Predlagatelj: Ministarstvo vanjske trgovine i ekonomskih odnosa BiH);
- 3) Davanje suglasnosti za ratificiranje Sporazuma između Vijeća ministara BiH i Vlade Rumunije o suradnji u borbi protiv terorizma i organiziranog kriminala (Predlagatelj: Ministarstvo sigurnosti BiH);
- 4) Davanje suglasnosti za ratificiranje Evropske konvencije o državljanstvu (Predlagatelj: Ministarstvo civilnih poslova BiH);
- 5) Davanje suglasnosti za ratificiranje Sporazuma o suradnji u oblasti obrazovanja, kulture i sporta između Vijeća Ministara BiH i Vlade Republike Italije (Predlagatelj: Ministarstvo civilnih poslova BiH);
- 6) Rasprava o zaključcima koje je donio ZD PS BiH na nastavku 16. sjednice održane 30.10.2007., povodom informacije o racionalizaciji u DKP mreži, donesenim odlukama, kriterijima za njihovo donošenje, učincima donesenih odluka, te daljnjim

- koracima u ovom području (priloženi materijal: stenogram rasprave sa 16. sjednice ZD i donesenih zaključaka o pomenutoj točki dnevnog reda);
- 7) Inicijativa zastupnika u ZD PS BiH Jerka Ivankovića Lijanovića za pokretanje procedure otvaranja veleposlavstva BiH u Albaniji;
 - 8) Prijedlog Komisije za vanjske poslove Kolegiju Zastupničkog doma za imenovanje međuparlamentarnih grupa prijateljstva PS BiH;
 - 9) a) Izvještaj o posjeti izaslanstva Komisije za vanjske poslove ZD PS BiH Ruskoj Federaciji, pripremljena od strane privremenog sekretara Komisije, D. Semenika;
b) Izvještaj Ambasade BiH u Ruskoj Federaciji o posjeti i reakciji ambasadora;
c) Zabilješka o sastanku g. Matića i g. Šinkareva, savjetnika u ambasadi RF u BiH;
 - 10) Izvještaj o studijskoj posjeti institucijama Evropske unije, Brisel, 15.-19.10.2007. godine (pripremila sekretar Komisije za vanjske poslove M. Iglica);
 - 11) Informacija Ministarstva vanjskih poslova BiH sa sastanka Vijeća EU za vanjske i opće poslove, 15. i 16.10.2007 u Luksemburgu (pripremio MVP BiH);
 - 12) Izvještaj sa zasjedanja 117. Skupštine Interparlamentarne unije, Ženeva, 8-10. oktobar 2007 (pripremila privremeni sekretar IPU Grupe BiH pri IPU, Edina Hrnjić);
 - 13) Izvještaj sa četvrtog dijela redovnog zasjedanja Parlamentarne skupštine Vijeća Evrope, Strazbur, 1.-5. oktobar 2007 (pripremila E. Hrnjić);
 - 14) Izvještaj sa seminara o parlamentarnoj kontroli, Oslo 22.-23.10.2007 (pripremila M.Bukarič-Kovačević, šef sektora za međunarodne odnose i protokol PSBiH);
 - 15) Zapisnik sa konferencije „Euro-atlantske integracije zemalja zapadnog Balkana“ održane u Budimpešti, 28.09.2007 (pripremila M.Bukarič-Kovačević, šef sektora za međunarodne odnose i protokol PSBiH);
 - 16) Tekuća pitanja;

Dnevni red je usvojen bez primjedbi uz napomenu predsjedatelja da je trajanje sjednice ograničeno zbog početka zajedničke sjednice oba doma Parlamentarne skupštine BiH.

Ad.-1. Verificiranje Zapisnika 14. sjednice Komisije za vanjske poslove

Nije bilo rasprave i primjedbi i zapisnik je jednoglasno usvojen.

Ad.-2. Davanje suglasnosti za ratificiranje Sporazuma o ekonomskoj, trgovinskoj i tehničkoj suradnji između BiH i Vlade države Katar (Predlagatelj: Ministarstvo vanjske trgovine i ekonomskih odnosa BiH);

Izvjestilac iz nadležnog Ministarstva, gospodin Sabrija Šerifović, istakao je da je Sporazum o ekonomskoj, trgovinskoj i tehničkoj suradnji između BiH i Vlade države Katar potpisan 1998 godine. Navedeni Sporazum je potpisan u cilju jačanja prijateljskih odnosa između dvije zemlje, te u želji promicanja razvoja ekonomske, trgovinske i tehničke suradnje. Svaka od ugovornih strana će obezbijediti drugoj strani tretman najpovoljnije nacije u pogledu carinskih pristojbi i troškova bilo koje vrste koji se primjenjuju na uvoz i izvoz u njihovim zemljama sukladno zakonima i propisima Svjetske Trgovinske Organizacije.

Predsjedatelj Komisije je predložio da se da suglasnost za ratificiranje ovog sporazuma. Suglasnost je data jednoglasno.

Ad.-3. Davanje suglasnosti za ratificiranje Sporazuma između Vijeća ministara BiH i Vlade Rumunije o suradnji u borbi protiv terorizma i organiziranog kriminala (Predlagatelj: Ministarstvo sigurnosti BiH);

Predsjedatelj Komisije je dao riječ izvjestiocu iz nadležnog ministarstva, gđici Lejli Somunović.

Ona je navela da će ugovorne strane surađivati razmjenjujući informacije i saznanja u oblasti borbe protiv terorizma, organiziranog kriminala, nezakonite proizvodnje, trgovine ljudima, trgovine drogama, sve oblike iskorištavanja djece... Sporazum je potpisan u Bukureštu 04.06.2007. godine. Ugovorne strane će ovlastiti nadležne organe u realizaciji ovog sporazuma, za BiH to će biti Ministarstvo sigurnosti i Uprava za indirektno oporezivanje. Sva neophodna procedura je provedena, te je predložila da se da saglasnost za ratificiranje. Svi članovi Komisije su bili za.

Ad.-4. Davanje suglasnosti za ratificiranje Evropske konvencije o državljanstvu (Predlagatelj: Ministarstvo civilnih poslova BiH);

Izvjestilac iz nadležnog ministarstva g. Miodrag Pandurević je istakao da je Konvencija sačinjena i potpisana u Strazburu još 06.11.1997. Dodao je da je cilj Vijeća Evrope postizanje većeg jedinstva među njegovim članicama, te da se unaprijedi progresivan razvoj pravnih principa u vezi sa državljanstvom i da ove principe zemlje članice usvoje u svom unutrašnjem pravu kao i da se izbjegnu slučajevu apatridije. Ovom Konvencijom se ustanovljavaju principi i pravila koja se odnose na državljanstvo fizičkih lica i pravila koja regulišu vojne obaveze u slučajevima višestrukog državljanstva. Sva zakonom predviđena procedura je provedena te se predlaže davanje saglasnosti za ratificiranje ovog sporazuma. Svi članovi Komisije su bili za.

Ad.-5. Davanje suglasnosti za ratificiranje Sporazuma o suradnji u oblasti obrazovanja, kulture i sporta između Vijeća Ministara BiH i Vlade Republike Italije (Predlagatelj: Ministarstvo civilnih poslova BiH);

Izvjestilac iz nadležnog ministarstva, gđica Biljana Čamur je istakla da je Sporazum potpisan 19. 07. 2004. godine. Ovim sporazumom ugovorne strane će ostvariti suradnju u sljedećim oblastima: kultura i umjetnost, očuvanje i obnova kulturne baštine, arhiva, muzeja i biblioteka, školsko, srednje i univerzitetsko obrazovanje, omladinska razmjena itd. Član Komisije, gđa Milica Marković postavila je pitanje ko će sa bh strane imenovati članove Mješovite komisije za sprovedbu ovog sporazuma. Odgovoreno joj je da bh predstavnike u ovu komisiju bira Vijeće ministara BiH. Zakonska procedura je u potpunosti provedena, te se predlaže davanje saglasnosti za ratificiranje. Svi članovi Komisije su bili za.

Ad.-6. Rasprava o zaključcima koje je donio ZD PS BiH na nastavku 16. sjednice održane 30.10.2007., povodom informacije o racionalizaciji u DKP mreži, donesenim odlukama, kriterijima za njihovo donošenje, učincima donesenih odluka, te daljnjim koracima u ovom području (priloženi materijal: stenogram rasprave sa 16. sjednice ZD i donesenih zaključaka o pomenutoj točki dnevnog reda);

Nakon uvodnih napomena koje je dao predsjedatelj Komisije o tome kako su u diskusiji na sjednici Zastupničkog doma doneseni neki od zaključaka bili identični ili veoma slični, na njegov prijedlog Komisija se složila da se izjasni o tri zaključka:

- zaključak Joze Križanovića (Zastupnički dom Parlamentarne skupštine BiH izražava nezadovoljstvo prema nadležnim institucijama BiH zbog nedostavljanja informacije o racionalizaciji DKP mreže BiH, donesenih odluka, kriterijima za njihovo donošenje, efektima donesenih odluka te daljnjim koracima u ovoj oblasti);

- prva točka zaključka Momčila Novakovića (Zastupnički dom Parlamentarne skupštine BiH traži od Predsjedništva BiH da preispita odluke o gašenju Ambasade u Argentini i Konzulata u Bonu. Do završetka procesa preispitivanja MVP BiH će zaustaviti sve započete aktivnosti);
- druga točka zaključka Martina Raguža (Zastupnički dom Parlamentarne skupštine BiH traži da Ministarstvo vanjskih poslova sa Predsjedništvom BiH u roku od mjesec dana pripremi cjelovitu informaciju o stanju u DKP mreži BiH i provođenju vanjske politike BiH za raspravu na Zastupničkom domu PSBiH).

U zaključak g. Raguža Komisija je dodala i riječi *u roku od mjesec dana*, kako bi se vremenski ograničilo dobijanje cjelovite informacije o ovoj temi, te poslužilo kao osnova za raspravu na jednoj od sljedećih sjednica Zastupničkog doma.

Dok su svi prisutni članovi Komisije glasali za ova tri zaključka, Denis Bećirović je bio protiv sva tri zaključka. Također je insistirao na tome da se usvoji i zaključak Zlatka Lagumdžije, što nije prihvaćeno. Milica Marković je insistirala da treća točka zaključka Momčila Novakovića uđe u zaključke, što također nije usvojeno. Azra Alajbegović je predložila da u zaključke uđe i zaključak zastupnika Jerke Ivankovića-Lijanovića, no kako se on ne odnosi direktno na temu o kojoj je dom raspravljao, ona je odustala od prijedloga.

Ad.-7. Inicijativa zastupnika u ZD PS BiH Jerka Ivankovića Lijanovića za pokretanje procedure otvaranja veleposlavstva BiH u Albaniji;

Članovi Komisije su se složili da ovu inicijativu treba podržati i o njoj raspravljati detaljnije na nekoj od narednih sjednica Komisije.

Naredna točka dnevnog reda:

Ad.-8. Prijedlog Komisije za vanjske poslove Kolegiju Zastupničkog doma za imenovanje međuparlamentarnih grupa prijateljstva PS BiH nije razmatrana jer su članovi Komisije morali krenuti na zajedničku sjednicu oba doma PS BiH, ali i zbog toga što se usuglašavanje oko grupa prijateljstva mora izvršiti i sa Kolegijem Doma naroda, a na prijedlog Komisije za vanjsku i trgovinsku politiku, carine, saobraćaj i komunikacije Doma naroda PS BiH.

Ostale točke dnevnog reda od 9. do 15. također nisu razmatrane, a kako se radi o izvještajima o posjetama i zasjedanjima različitih tijela zaduženih za vanjske poslove, Komisija ih je primila k znanju bez rasprave.

Sjednica je završila svoj rad u 10 sati.

SEKRETAR
KOMISIJE ZA VANJSKE POSLOVE
Merdžana Iglica

PREDSJEDATELJ
KOMISIJE ZA VANJSKE POSLOVE
Slavko Matić

Kopija: Predsjedništvu BiH
MVP-u BiH